

gravissima seditio, contentio atque adeo bellum est exortum. Hanc vero seditionem Episcopus Herbipolen-
sis, & Caesar Maximilianus sedare, ac partes per concordiam componere sunt conati. *Veimaria* pulchrū Opi-
dum, quondam peculiari Comitatu nomen, iam vero inclytam Saxonie Ducibus sedem & domicilium
præbet, qui magnificum in eo Palatium habent, ex quadratis & formatis ad lineam Saxi nitide edificatum, &
pomarium omni arborum genere summa industria confutum, quod Ilma fluvio irrigatur, qui in Salam tan-
dem se recipit. *Iena* civitas a Iano dicta secundum nonnullos: verum is in Germania coli non solebat. Proba-
bilis itaque Stigelius canit:

Hinc placet Hebræo nobis hanc nomine dici,

Ut vetus a Iajn nomen, Iena tenet.

Cur ita crediderim, nisi mentem, vocula fallit,

Certa huius ratio nominis esse potest.

Quippe vocat Iajn Solyma pius incola terre,

Hoc quod nos Latio dicimus ore merum.

Quæ caput in medijs urbs fertilis erigit urvis,

Hanc quisquam a Vino nomen, habere neget?

Hæcille, Nobilis est publico Gymnasio erecto anno *MDCLIX*. *Gotha* a Gothis nomen habet. Atque hinc
Turingos a Gothis *Rithaimerus* in sua Orbis descriptione originem traxisse scribit, eo quod Gothi in hac re-
gione gentis suæ vocabulo *Gotham* urbem condiderint, circa annum ut *Lobsteinio* placet *CCIOXXII*. Ad-
mirandæ fortitudinis Castrum habuit *Grimmenstein*, quod nunc solo æquatum jacet. Eius rei causa fuit: *Gu-*
lielmus Grunbachius, stirpe magis, quam virtute nobilis, ob varia & enormia flagitia, quibus Principes in ordi-
nem redigere, Cæsarem ex Imperij fastigio deturbare, novamque Imperij formam moliebatur, cum a Ferdi-
nando Imp. Augusto, tum a Maximiliano Imp. eius Filio, reus declaratus & cognitus, cum omnibus coniura-
tionis socijs, condemnatur, proscribitur: atque illustrissimo Principi Electori Saxonie, sententiæ promulgatæ
executio, ab Imperatore ac ceteris Imperij Ordinibus uno consensu demandatur. Quam ipse proscriptione
fiducia sui receptus, & Protectoris Ioannis Friderici *II*. Saxonie Ducis, contemnit. Qui cum post multas
Principum admonitiones a pertinaci seditionis defensione non abstineret, Illustris Saxonie Dux Princeps
Electo August. extrema necessitate coactus, urbem obsidione aggreditur, ac deditio caput. Tum *Grunba-*
chius, cumq; eo quatuor ex coniuratis, ob violatæ Cæsareæ Majestatis crimen, iusto supplicio adficiuntur, Ca-
strum funditus diruitur, Dux Ioannes Fridericus, captivus Viennam abducitur. Fluminibus irrigatur regio
compluribus: inter quæ *Sala*, vel *Salsza*, *Werra*, *Vnstrut*, *Ilma*, *Gera*, *Or*, *Apfelstet*, *Helbe*, *Cling*. Montes etiam
Minerarum fecundos inesse testatur *Her*, *Auri*, *Argentique* venis divites, qui haud procul *Braitenbornio* ac
Schwartzzenburgo reperiuntur. *Silvis* etiam hinc inde conspersa est regio, *Hercyniæ* portiones sunt: ac *Turin-*
gica *Silva* late nota, vulgo *Turinger-VVald*, *Bacenis* Cæsari, Germanie *Silva* *Cheruscas* a *Suevis* dirimens: *Hay-*
nich, *Hainsette*, *Finne*, cum alijs nonnullis, quæ varij generis *Ferarum* venationes præbent. Sunt in hac regione
multa *Templa*, & *Monasteria*, inter alia *Templum* *Erfordie* *B. Mariæ Virginis*, a *Bonifacio* *Moguntinensi* *Epi-*
scopo constructum. Hoc *Templum* habet *Campanam* magnitudine in tota *Germania* celebrem. *Populus*
atrox, *durus*, *minaxque* in hostem, *corpora* *Viris* *procera*, *robusta*, & *decora*.

H h h iij

Sic se

Flumina.

Montes.

Silva.

Opera publica.

Vulgi Mores.